



國家清史編纂委員會·文獻叢刊

七編

清代稿鈔本

第三三三三冊

國家清史編纂委員會・文獻叢刊

七編

清代稿鈔本

第三三三三冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第三三三三冊目錄

陳氏族譜（廣東潮州）……………一

古博陳氏族譜（廣東新會）……………六九

古博陳氏譜（廣東新會）……………三七三

陳氏族譜（廣東潮州）

不分卷

佚名纂

鈔本

廣東省立中山圖書館藏

陳氏族譜

(潮州)

陳氏族譜（廣東潮州）

陳氏族譜

菊田遷湘州



祠堂輩叙

夫子之道元亨利貞詩書華國學和傳家

乾隆四十五年十一月廿六日
名儀冷高飛冷另議後
日審叙

典則 仰承正訓用昭光澤行慶流芳樹滋世德

和泉祖祠帶叙後用

一本從莆田 派分次第先 敬宗鄰親睦 燕翼顯聲揚

利美祖祠堂成先議輩叙四句後日可用

以行貞樂 歡悅怡神 存養氣性 終言居陳

利錫冷酌議
文渭冷酌議

莆田陳氏譜系圖序

譜系之設所以厚宗族亦以別親疎橫渠言宗法不立則不知譜系來處伊川言譜牒廢則無百年之家此厚宗族意也歐陽譜例斷自可見之世凡子孫若紀其當紀者蘇氏族譜為親而作親盡則譜所不及此別親疎意也蓋宗族既厚則百世不相忘親疎既別則百世不可紊有不紊之世次人知所自出不忘之心油然而生矣莆雖無異派然或以官稱或以文行或

以殊科別其所自出吾家玉湖自太師公始也紹興八年吾弟俊卿中進士第歷清要以至宰輔荷國恩榮贈官三世而吾門始大考古宗法宜別立譜俾爾子孫思所以起家之難尊祖敬宗歲時蜡祭相與盡其歡忻愛洽之情而無紊親疎長幼之序此吾立石本心也

宋淳熙五年正月之吉嗣孫從事郎新邵武軍叅寧縣丞正卿再拜謹書

闢望陳氏族譜序

奠世繫辨昭穆即後世之譜牒也父子相及謂之世世之比出謂之繫父昭子穆宗廟之次而生者亦以爲序不奠之則人莫考其所自出不辨之則人莫推其所傳序由是無尊祖敬宗之心由是失正倫睦族之道甚則於親而疎於厚而薄又其甚則路人矣至此然後知尊世繫辨昭穆爲管攝人心維持家族之先務也而先王之世特設一小史職之豈無意哉

自世繫昭穆之不莫辨於官而君子始自為譜然歐陽氏蘓氏二家之書最為有法吾陳氏自唐為顯然但屢經兵亂十存八九莫能脩修自南渡後陳氏之譜故自太師沂國公始沂國公則丞相正獻公曾祖而知院叅政忠肅公文龍之八世祖也沂國公生一子是為太師蜀國公諱貴蜀國公生三子季為浮屠二子分為二支長子承事郎諱德載公又生三子季又為浮屠二子分為二支長子評事

諱宋卿公生三子次子太師永國公諱欽紹生
太師安國公諱衮生四子第四子太師榮國公諱
棨生知院叅政忠肅公諱文龍而宋卿公之弟
曰堯卿公者乃德載公次子為潮奉大夫是為由
樟來潮之始祖也其曰詵者又蜀國公次子德載
弟所謂太師冀國公是也生三子分為三支其
長子評事公諱周卿生三子離而三子子撫幹諱正
卿生三子又離而三子子正猷公諱俊卿生五子又

離而五于是陳氏至 正獻公始大 正獻公既以
太師褒及三代而 忠肅公亦以太師上贈三代於
是 沂國公之後多躋極品矣吾潮陳氏自朝奉大
夫公而離其祖宗傳子若孫今又七世矣苟不奠繫
之則流遠而子孫莫知其所有出然譜之作非官戶
不得為之然亦不可缺于是乃奉陳氏譜來求於予
以叙其端予觀陳氏之譜唐既收為官戶誠為名門
右族豈特宋之正獻而始大哉 自小史不舉職而

士大夫之家世繫昭穆始無不書君子求其所以管
攝人心維持家族猶有賴于譜牒之存者也堯卿陳
氏之譜始於莆陽玉湖沂國公之後亦貴貴之義
然後世子孫考之譜而皆知始於沂國公則不昧乎
所自出矣知夫家之所以分族之所以離則不失其
所傳序矣不昧其所自出則尊祖敬宗之心油然而
生不失其所傳序則正倫睦族之義秩然而舉奚有
踈薄至於路人也哉使今不為之後世雖盛亦莫知

其傳序矣予聞 正獻公多陰隲陳氏六梅亦王氏
三槐也玉湖演迤六梅其寔尚力培之將見有光大
是譜者予故樂為之序

元潮州路山長野氏戴希文撰

